


梵網菩薩戒經

梵網菩薩戒經



此图描绘的是地藏菩萨在幽冥界度化众生的场景。画面中央，地藏菩萨端坐于莲花宝座之上，身披红袍，面容慈祥，手持锡杖，脚踏宝珠。其周围环绕着众多鬼魂，有的被菩萨的慈悲所感化，有的则在痛苦中挣扎。画面下方，地藏菩萨的化身——一只巨大的白色大象，正驮着菩萨的宝座。背景中，一座宏伟的宫殿矗立在云雾缭绕的山峰之上，宫殿内有其他菩萨和护法神的形象。整个画面色彩鲜艳，构图严谨，充满了宗教的神圣感和艺术的美感。

佛說梵網經菩薩
心地品菩薩戒

辛巳首夏



龐子權書



佛教世人持淨戒
戒淨莊嚴清淨身
了知舍那心地印
生佛無殊一體真

虛雲題



半月誦菩薩戒儀式

眾既集
舉香讚

爐香乍爇。法界蒙熏。諸佛海會悉遙聞。
隨處結祥雲。誠意方殷。諸佛現全身。

南無香雲蓋菩薩摩訶薩三稱
南無梵網教主盧舍那佛三稱

開經偈

半月誦菩薩戒儀式

半月誦菩薩戒儀式

二

別解脫經難得聞

經於無量俱胝劫

讀誦受持亦如是

如說修行者更難

誦者陞座
白眾云

某甲稽首和南。敬白大眾。僧差誦戒。恐有錯誤。願同誦者。慈悲指示。

菩薩戒眾等諦聽。

歸命盧舍那

十方金剛佛

亦禮前論主
今說三聚戒
戒如大明燈
戒如真寶鏡
戒如摩尼珠
離世速成佛
是故諸菩薩

半月誦菩薩戒儀式

當覺慈氏尊
菩薩咸共聽
能消長夜闇
照法盡無遺
兩物濟貧窮
惟此法為最
應當勤護持

諸大德。春分四月日為一時。半月日已過。少一夜。餘有一夜。三月半在。老死至近。佛法欲滅。諸大德。優婆塞。優婆夷。為得道故。一心勤求精進。所以者何。諸佛一心勤求精進故。得阿耨多羅三藐三菩提。何況餘善道法。各聞强健時。努力勤修善。如何不求道。安可須待

老。欲何樂乎。

是日已過。命亦隨滅。如少水魚。斯有何
樂。僧集否。答已集。和合否。答和合。
僧集和合。何所作為。答說戒布薩。
此中未受菩薩戒及不清淨者出否。答
此中無未受菩薩戒及不清淨者。
不來囑授菩薩。有幾人說欲及清淨。答

此中無說欲及清淨者。

諸佛子等。合掌至心聽。我今欲說諸佛
大戒序。眾集默然聽。自知有罪當懺悔。
懺悔即安樂。不懺悔。罪益深。無罪者默
然。默然故。當知眾清淨。

諸大德。優婆塞。優婆夷。諦聽。

佛滅度後。於像法中。應當尊敬波羅提

木叉。波羅提木叉者。即是此戒。持此戒時。如闇遇明。如貧人得寶。如病者得瘥。如囚繫出獄。如遠行者得歸。當知此則是眾等大師。若佛住世。無異此也。怖心難生。善心難發。故經云。勿輕小罪。以為無殃。水滴雖微。漸盈大器。刹那造罪。殃墮無間。一失人身。萬劫不復。壯色不停。

猶如奔馬。人命無常。過於山水。今日雖
存。明亦難保。眾等各各一心。勤求精進。
慎勿懈怠。懶惰睡眠。縱意。夜即攝心。存
念三寶。莫以空過。徒設疲勞。後代深悔。
眾等各各一心。謹依此戒。如法修行。應
當學。

諸大德。今黑白月十五日。作布薩說菩薩

戒。眾當一心善聽。有罪者發露。無罪者
默然。默然故。當知諸大德清淨。堪說菩
薩戒。已說菩薩戒序竟。今問諸大德。是
中清淨否。三問

諸大德。是中清淨。默然故。是事如是持。

誦戒畢下
座謝眾云

某甲敬謝大眾。僧差誦戒。三業不勤。戒

半月誦菩薩戒儀式

半月誦菩薩戒儀式

文生滋。坐久延遲。令眾生惱。望眾慈悲。^十
布施歡喜。

半月誦菩薩戒儀式終

梵網經菩薩戒序

諸佛子等。合掌至心聽。我今欲說諸佛
大戒序。眾集默然聽。自知有罪當懺悔。
懺悔即安樂。不懺悔罪益深。無罪者默
然。默然故。當知眾清淨。諸大德。優婆塞。
優婆夷等諦聽。佛滅度後。於像法中。應
當尊敬波羅提木叉。波羅提木叉者。即

是此戒。持此戒時。如闇遇明。如貧人得寶。如病者得瘥。如囚繫出獄。如遠行者得歸。當知此則是眾等大師。若佛住世。無異此也。怖心難生。善心難發。故經云。勿輕小罪。以為無殃。水滴雖微。漸盈大器。刹那造罪。殃墮無間。一失人身。萬劫不復。壯色不停。猶如奔馬。人命無常。過

於山水。今日雖存。明亦難保。眾等各各
一心勤修精進。慎勿懈怠。懶惰睡眠。縱
意。夜即攝心。存念三寶。莫以空過。徒設
疲勞。後代深悔。眾等各各一心謹依此
戒。如法修行。應當學。

謹按此序。至為切要。除叢林布薩。別
有儀式外。凡讀經者。均應先讀序文。
不得省畧。